

ISCRIZIONS

Si va di un minim di 364 a un massim di 1.424 euro plui 156 euro di tassis regionâls e impueste di bol.

Dutis lis novitâts su lis tassis universitariis

Atenzion ae situazion socioeconomie dai students e des lôr fameis, in particular a chei che a fasin part des fassis plui debîls; eculibri tra merit, capacitât contributive e regolaritât dal percors universitari; semplificazion e digitalizazion des proceduris. A son lis novitâts plui gruessis a pro dai students previodudis dal gnûf sisteme di tassazion cjapât sù de Universitât di Udin, e condividût cul Consei dai students, pal an academic 2013-2014. Lis misuris a son intal Avis zontât al Manifest dai studis, relatîf a tassis, contribûts e esonerazions fat bon di Senât academic e Consei di Amministrazion dal Ateneu disponibil intal sit di ateneu (www.uniud.it). A son previodûts, in

particolâr, la rimodulazion dai criteris di merit (par esempli a pain 300 euros in mancûl lis matriculis cul massim dai vôts) tal esam di maturitât o i iscrîts dal prin an di lauree magjistrâl cul massim dai vôts); il paiament des tassis in trê ratis; modalitât dome in linie pe consegne des domandis di beneficiis; l'aument de imponibilitât dai fûr cors dome tacant dal tierç an; l'adequament dai impuarts su base Istat parametrâts cul redit.

Pal a.a. 2013-14 l'impuart des tassis universitariis al va di un minim di 364 euros a un massim di 1.424 euros, che ur van zontâts 140 euros di tasse regionâl plui 16 euros de impueste di bol, par un totâl di 156 euros di cjamis no dipendentis dal ateneu. Chest an la tasse regionâl e la

impueste di bol a cressin in maniere respetive di 30 euros e di 1 euro e 38 centesims. Dopo cuatri agns di stabilitât complete de contribuzion studentesce, mai adeguate nancje al indiç Istat, l'ateneu le à rapuartade in part al cost de vite (mancûl duncje dal 3 per cent previodût). Chest si tradûs intun adeguament che al va di pôc plui di 9 euros a plui o mancûl 24 euros par ducj i iscrîts daûr lis fassis di redit. Dome dal tierç an fûr cors al è previodût un aument di 75 euros.

Simpri restant che la prime rate des tassis – 630 euros, compagne par ducj – e va paiade tal moment de iscrizion (dentri di fin Otubar), la novitât principâl, par vigni incuintri ae situazion socioeconomieche dificile, e je la rimodulazion dai

criteris di calcul e il passaç di dôs a trê ratis. L'impuart des dôs ultimis ratis (di paiâ dentri de fin di Març e de fin di Mai) al dipendarà di fat ançe dal redit des fameis in plui che dal merit dai students. La cuote massime a licuidazion (de seconde ae tierce rate) e je di 950 euros; di 1.025 euros pai iscrîts dal tierç an fûr cors. A son confermâts: lis agjevolazions par students timp parziâl, students lavoradôrs e students gjentôrs; la preesonerazion pe cuote dovude a titul di tasse e contribût par cui che al doman- de la borse di studi Erdisu; i rimbors parziâls su tassis e

contribûts pai laureâts in cors e lis tassis comunis cu la Universitât di Triest pai cors interateneu.

Une altre inovazion che e je simpri tra lis politichis plui incisivis di cualitât e di dematerializazion dal procès de licudazion dome in

modalitât telematiche des domandis pai beneficiis su lis tassis e sul dirit al studi. Cussî fasin, almanco 5 mil students a evitaren di vê di là ai sportei dal Ateneu e dal Erdisu. Lis domandis pai beneficiis a puedin jessi presentadis dai 8 di Lui fin ai 18 di Otubar.

